

浮雲山聖壽萬年宮道士趙道一編修

九天玄女

九天玄女者黃帝之師聖母元君弟子也黃帝在昔為有熊之國君佐神農之孫榆罔既衰諸侯相伐干戈相尋各據方色自稱五行之號太皞之後自為青帝榆罔神農之後自號赤帝共工之族自號白帝葛天氏之後自號黑帝起有熊之墟自號黃帝帝乃恭已下士側身修德在位二十一年而蚩尤肆孽弟兄八十一人獸身人語銅頭鐵額敢砂吞石不殖五穀作五虐之刑以害黎庶鑄兵於葛嶺之山不用帝命帝欲征之博求賢能以爲已助得風台於海隅得力牧於大澤以大鳴爲佐天老爲師置三公以象三台風后爲上台天老爲中台五聖爲下台始獲寶鼎不舉而熟迎日推策以封胡爲將以夫人費修之子爲太子用張若隲朋力牧容光龍行蒼顏容成大撓奢龍衆臣以爲羽翼戰蚩尤於涿鹿帝師不勝蚩尤作大霧三日內外皆迷

風后法斗機作大車以杓指南以正四方帝用曼慎齋于太山之下王母遣使披玄狐之裘以符授帝曰精思告天必有太上之應居數日大霧冥冥晝晦玄女降焉乘丹鳳御景雲服九色彩翠之衣集于帝前帝再拜受命

玄女曰吾行太上之教有疑可問也帝稽首

曰蚩尤暴橫毒害烝黎四海救救莫能性命欲一戰必勝之術與人除害可乎玄女即授

帝六甲六壬兵信之符靈寶五符靈寶鬼神

之書制秩通靈五明之印五陰五陽五甲之

式太一十精四神勝負樞機之圖五虫以河圖

策精之訣九光玉節十絕靈幡命魔之劍霞

冠火佩龍戰竟旂翠輦綠軒虬駭虎噬千花

之蓋八鸞之輿羽籥玄年虹旌玉越竹仙之

物五龍之印九明之珠九天之節以爲兵信

五色之播以辨五方帝遂復率諸侯再戰蚩

尤驅魃魁維秩以爲陣兩師風伯以爲衛應

龍蓄水以攻帝帝盡制之遂滅蚩尤於絕營

之野中冀之鄉家分其四肢以葬之由是榆

罔拒命又誅之於阪泉之野北逐獯鬻南大定

四方步四極凡二萬八千里乃鑄鼎五九州置九行九德之臣以觀天地祠百靈設法設教然後採首山之銅鑄鼎於荆山之下黃龍下迎帝乘龍昇天皆玄女之所授符籙圖局以佐成功業

蠶女

蜀之先有蠶叢帝又高辛時蜀有蠶女不知

姓氏父爲人所掠惟所乘馬在女念父不食

其母因誓於衆曰有得父還者以此女嫁之

馬聞其言驚躍振迅絕其拘絆而去數日父

乃乘馬而歸自此馬嘶鳴不肯飼母以誓衆

之言告父父曰誓於人不誓於馬安有人而

偶非類乎能脫我於難功亦大矣所誓之言

不可行也馬跑父怒欲殺之馬愈跑父射殺

之曝其皮於庭皮蹶然而起搵女飛去旬日

皮復棲于桑上女化爲蠶食桑葉吐絲成繭

以衣被於人間一日蠶女乘雲駕此馬侍衛

數千人謂父母曰太上以我心不忘義授以

九宮仙嬪矣母復憶念也今家在漢州什邡

德陽三縣界每歲祈蠶者四方雲集蜀之風

俗官觀諸化塑女像披馬皮謂之馬頭娘以
 祈蠶焉則聽之榮原蓋者神玄註云原母也
 天支辰為馬蠶書蠶為龍精月道大則浴
 其種是蠶與馬同氣物不能兩大禁再蠶者
 為傷馬與據此之論蠶馬氣類世必
 有深究其理者道一特書之以俟

雲華夫人

夏禹治水隨山濬川老君遣雲華夫人往陰
 相之時禹駐巫山之下大風卒至崖谷振墮
 力不可制忽遇雲華夫人禹拜而求助夫人
 即勸侍女投禹策召鬼神之書因命其神狂
 章虞余黃魔大翳庚辰童律巨靈神等助其
 斬石疏波決塞導阨禹嘗謁雲華於崇嶽之
 巔顧盼之際化而為石或倏然飛騰散為輕
 雲油然而止聚為夕雨或為游龍或為翔鶴
 千態萬狀不可親也禹疑其狡獪怪誕非真
 仙也問諸童律童律曰天地之本者道也運
 道之用者聖也聖之品次真人仙人也其有
 稟氣成真不修而得道者木公金母是也蓋
 二氣之祖宗陰陽之原本仙真之主宰造化
 之元先雲華夫人者金母之女也神名唯始
 受書為雲華上宮夫人主領教童真之士理

在玉映之臺隱見變化蓋其常也亦由凝氣
 成真與道合體非寓胎稟化之形乃西華少
 陰之氣也且氣能彌綸天地經營動植大包
 造化細入毫髮在人為人在物為物豈止為
 雲雨龍鶴飛鳴騰鳳哉禹然之復往詣焉忽
 見雲樓玉臺瓊闕森然靈官侍衛不可名識
 師子抱關天馬啓途毒龍電獸八威備軒夫
 人宴坐於瓊臺之上禹稽首問道召禹坐而
 謂曰夫聖匠肇興剖大混之一璞判為億萬
 之體發大蘊之一苞散為無窮之物故步三
 光而立乎啓景封九域而制乎邦國刻漏以
 分晝夜寒暑以定歲紀坎離以正方面山川
 以分陰陽城郭以聚民器械以衛衆輿服以
 表貴賤禾黍以備凶歉凡此之制上稟乎星
 辰而取法乎神真下以養於有形之物是故
 日月有幽明生殺有寒暑雷電有出入之期
 風雨有動靜之常類氣浮乎上而衆精散於
 下廢興之數治亂之運賢愚之質善惡之性
 剛柔之氣壽夭之命貴賤之位尊卑之序吉
 凶之感窮達之期此皆稟之於道懸之於天

而聖人為紀也性發乎天而命成乎人之
 者天行之者道存則有道去則無非道則
 物不可存也非修則道不可致也太上有言
 致虛極守靜篤萬物將自復復謂歸於道常
 存也道之用也變化萬端而不足其一是故
 天參玄玄地參混黃人參道德去此之外非
 道也哉長久之要者天保其玄地守其物人
 養其氣所以全也則我命在我非天地殺之
 鬼神害之失道而自逝也志乎哉勤乎哉子
 之功及於物矣動速於我矣善格夫天矣而
 未聞至道也吾昔於紫清之闕受書寶而勤
 之我師三元道君曰上真內經天真所寶封
 之金臺佩之太微則雲輪上往神虎抱關振
 衣瑤房邀宴希林長招仙公右樓白山而下
 盼太空汎乎天津則乘雲騁龍游此名山則
 真人詣房萬神奉衛千精伺迎動有八景玉
 輪靜則宴處金堂亦謂之太上玉珮金璫之
 妙文也汝將欲越巨海而無龍輪渡飛沙而
 無雲軒陟阨塗而無所舉涉泥波而無所乘
 陸則困於遠絕水則懼於漂淪將欲以導百

谷而潘萬川也危乎修哉太上懲汝之至將投汝以靈寶真文陸策虎豹水制蛟龍斬馘萬邪檢取群凶以成汝之功也其在乎陽明之天矣吾所授寶書亦可以出入水火嘯叱幽冥收策虎豹呼召六丁隱淪八地顛倒五星久視存身與天地相傾也因命侍女陵容華出丹玉之笈開上清寶文以授禹仍命狂章巨靈等神助禹誅為民害人力所不能制者戮防風氏於會稽鎖淮渦之神無支祗於龜山皆其力也禹後入陽明洞天為紫庭真人

姮娥

羿請不死之藥於西王母妻姮娥竊而服之奔月宮

織女

織女上應天宿牽牛則河鼓是也舊說天河與海通漢時有人居海上者年年八月見有辟樓去來不失期人有奇志者立飛閣其上多齋糧乘槎而去十餘日至一處有城郭狀屋舍甚嚴蓬望室中有織婦人又見一丈夫

牽牛飲之驚問曰何由至此其人與說來意因問此是何處答曰君至蜀郡訪嚴君平則知之因還後以問君平君平曰某年月日有客星犯牽牛宿計年月正是此人到天河時也東方朔神異記云郭翰嘗遇織女降其室

水玄霄之衣霜羅之被戴翹鳳金冠躡瓊文九章之履張霜霽丹敷之情施九品玉華之簾轉會風之扇有同心龍枕翌日丹鉛書青練一幅以寄翰漢書董永少失母養父家貧傭力至農月以小車推父置田頭陰樹下而管農作父死後自主人貸錢一萬自賣身為奴遂得錢葬父運於路忽見一婦人姿容端正求為永妻永乃與俱詣主人主人令永妻織絹六百匹放汝夫妻乃當機織一月畢主人深怪其速疾遂放之相隨至舊相見之處而辭永曰我天之織女緣君至孝天帝令助君償債言訖凌空而去今秦州有漢董永所居天女緣絲井存焉大有織女嫁牛郎事見前卷武丁傳

昌容

昌容者商王女也偕道於常山下食蓬萊根

往來上下人見之二百餘年顏色常如二十許能致紫草鬻於染工得錢即施於貧病者歷年如是奉祠者甚衆人竟不知其所修之道常行日中不見形影或云昌容能煉形者也未幾忽沖天而去仙傳

女偶

南伯子葵問乎女偶曰子之年長矣而色若孺子何也曰吾聞道矣南伯子葵曰可得學耶曰惡子可子非其人也夫下梁倚有聖人之才而無聖人之道我有聖人之道而無聖人之才吾欲以教之庶幾其為聖人乎不然以聖人之道告聖人之才亦易矣吾猶守而告之三日而後能外天下已外天下矣吾又守之七日而能外物矣吾又守之九日而後能外生已外生矣而後能朝徹朝徹而後能見獨見獨而後能無古今無古今而後能入於不死不生殺生者不死生者不生其為無不將也無不迎也無不毀也無不成也其名為攬寧攬寧也者攬攬而後成者也南伯子葵曰子獨惡乎聞之曰吾聞之副墨之子副

墨之子聞諸洛誦之孫洛誦之孫聞之瞻明瞻明聞之再許再許聞之需役需役聞之於誣於誣聞之玄冥玄冥聞之參家參家聞之疑始

李真多

李真多仙人李八百之妹也隨兄修道居綿竹中老君與玄古三師降授以飛昇之道先於八百白日昇天今有真多古迹猶在或來往浮山之側今號真多化即古浮山治也一去八百嘗與妹真多乘下居於筠陽之五龍岡又名赤高寨今復煉丹於華林山石室今與府奉新縣將雲觀是也八百兄妹俱蜀人也雖卜居筠陽間往來蜀中一日真多自蜀至八百候之今瑞州望仙門是也見真多手持蓮花身似有孕八百怒意欲引劍揮之真多覺之條爾凌空渡江產下童子經一卷遂乘雲氣冉冉昇天時人塑真多之像將奉祠焉像成而不動是夕真多見夢云吾祠宜在五龍岡翌日舉像甚輕乃祠于彼至唐玄宗天寶十年天師孫智涼始奏改元陽觀以顯聖迹憲宗元和七年

高安縣令謹賁以縣治觀基兩易今瑞州城西二里遺逸山妙真宮是也其產經之地今額儀天觀觀中女真世傳其經即人每備香信詣觀看經以保產難焉真多今號明香元君

贏女

秦繆公女嬴氏名弄玉善吹笙無和者欲求得吹笙者以配有蕭史者善吹蕭能感風彩雲鳳凰嬴女願嫁之嬴女吹笙亦如人所感於是孟明為媒蹇叔為賓約而成婚安於西殿座中不奏他樂惟二人自以笙蕭間奏遂致鳳凰來儀二人乘之而去秦人因作鳳女祠

太陽女

太陽女者姓朱名翼敷演五行之道加恩增益至為微妙行用其道其驗甚速年二百八十歲色如桃李口如含丹肌膚充澤眉如如畫有如十七八歲者奉事絕洞子丹成以賜之亦得仙昇天也

太陰女

太陰女者姓盧名全為人聰達智慧過人好玉子之道頗得其法未能精妙時無明師乃當道沽酒嘗欲求賢積年累久未得勝已會太陽子會然嘆曰彼行白虎騰蛇我行青龍玄武天下悠悠知者為誰女聞之大喜使妹問客主數為幾對曰不知也但南三北五東九西七中一耳妹還報曰客大賢者至德道人也我始問一已至五矣遂請入道室改進妙饌盛設嘉珍而享之以自陳託太陽子曰共事天帝之朝俱飲神光之水身登玉子之魁體有五行之寶唯賢是親豈有所怪遠教補導之要授以蒸丹之方合服得仙時年已二百歲而有少童之色也

毛女

毛女自玉美玉美在華陰山中客獵師世世見之形體生毛自言秦始皇宮人秦亡入山避難道士谷春教食松葉遂不飢寒身輕如飛百七十餘年所止岩中有鼓琴聲云列仙抱撲子云漢成帝時獵者於終南山見一人無衣服身皆黑毛跳坑越澗如飛乃密伺

其所在合園取得乃是一婦人問之言我是秦之宮人關東賊至秦王出降驚走入山飢無所食泊欲飢死有一老公教食松柏葉實初時苦澀後稍便喫遂不復飢冬不寒夏不熱此女是秦人至成帝時三百餘歲也一云有魚道起魚道遠者皆秦時之女真入武夷山隱焉後人常常見之其地四圍皆生毛竹故人因毛竹而亦呼此二魚為毛女

梅姑

梅姑秦時丹陽縣人有道術能著履行水上縣有梅姑廟尚存

女兒

女兒者陳氏酒家婦也有仙人過其家以素書五卷質酒凡開視之乃仙方也私寫要訣依而修之數歲仙人復來笑曰竊學無師有翅不飛女兒隨仙人去今所居女兒山是也

孫氏

孫氏一云漢天師張道陵之妻也同隱龍虎山修道章帝元和二年俱到蜀居陽平化天師學道行滿功成至桓帝永壽二年九月九

日太上詔使至孫氏同天師於雲臺舉白日飛昇三洞珠囊云天師昇天後一年夫人復昇天

張文姬

張文姬天師張道陵之長女也適陳郡袁公子家豪好道久之白日抱五兒昇天

張文光

張文光天師張道陵之次女也一云第四女為陵王妃以得封犯父諱不食數月白日昇天一云入門三日於殿上白日昇天

張賢

張賢一云名賢姬天師張道陵之第三女也一云第五女為燕王妃好道集真入之法久之白日昇天

張芝

張芝一云名芳芝天師張道陵之第四女也一云第六女適魏公第二子夫故犯父諱遂獲壽不樂於家白日飛昇

盧氏

盧氏嗣漢第二代天師張衡之妻也張衡得道盧氏同於陽平山白日飛昇

張玉蘭

張玉蘭張衡之女也幼而潔素不食葷血年十七歲夢朱光入口因而有孕父母責之終不肯言惟侍婢知之一日謂侍婢曰我死兩當剖腹以明我心其夕遂歿父母不違其言剖腹得一物如蓮花初開其中有白素金書十卷乃本際經也十餘日間有大風雨晦冥遂失其經成都記云天師雲孫女無夫而孕父疑之欲殺高既產有異光乃一軸書則本際經也父以為神乃擲其刀其後於敦信村登仙即女即觀也今有聖女臺拋刀池洗經池存焉一云得素金書本際經十卷素長二尺許幅六七寸文明甚妙將非人工乃傳寫其經而葬玉蘭百餘日大風雷雨失經及玉蘭墳壙自開空棺而已

屈女

東吳葛仙公玄嘗在荆門軍紫蓋山修煉值天寒大凍仙公跣足衣衫藍縷時有屈家二女窺見憐其忍冷夜促成雙屢次日欲獻之往煉丹之所仙公已去但存爐灰尚溫二

女撥灰而得丹一粒姊妹分而服之自後神氣沖沖不飢不渴惟暮清靜後隱去時人謂得仙矣

謹姆

謹姆者不知何許人也其字曰嬰常居金陵丹陽郡之黃堂潛修至道忘其甲子者老累世見之齒髮不衰容貌常少皆以謹姆呼之謂其可為人師也吳大帝時行丹陽市中忽遇一男子年可十四五叩頭再拜願為義子謹姆告曰汝既成長須侍養所生何得背其已親而事吾為母既非其類不合大道於是童子跪謝而去又經旬月復過市中忽見孩兒年可三歲悲啼呼叫莫知誰氏之子因遇謹姆執衣不捨告云我母何來唯願哀憫謹姆憐其無告遂收歸撫育漸向成大伏侍甘旨晨昏不虧心與道合行通神明聰慧過人博通經史天文地理百氏九流窮物極玄探微索奧年將弱冠姆謂之曰我修奉正道其來久矣汝以吾撫育有此相因汝既無天將何以為姓氏兒曰昔蒙天真授以靈章約為

孝傳明王譜以此為名號可乎姆曰既天真付授吾何敢有違復議求婚兒跪姆前說贊曰我非世間人上界真高仙今與母為兒乃是宿昔緣因得行孝道度脫諸神仙向前十五童亦是我化身今已道氣圓我將返吾身真凡自殊趣何為議婚姻蓋於黃堂壇傳教付至人母既施吾教三清樓我神謹姆聞讚驚畏異常遂於黃堂建立壇靖嚴奉香大大闡孝道明王之教明王告姆修真之訣曰每須高處玄壇踈絕異黨偷閑丘阜鉅服陽和委鑿太虛靜夷玄圃若非無英寶帙黃老玉書大洞真經豁落七元太上隱玄之道不可偃息於流霞之車春盼乎文昌之台也得此道者九鳳齊鳴萬萬萃止竦身御節八景浮空龍與虎旂遊翔八方矣每宜實之於是盡得妙訣兼授靈章已而辭母飛騰太空謹姆受訖實而秘之積數十年而人無知者至西晉之末許真君避吳真君猛聞姆有道遠詣丹陽求受道法姆知其名在圖籍應為神仙於是授以孝道明王之教真仙飛舉之宗及

正一新邪之法三五飛步之術仍以蘭公所授孝傳明王銅符鐵券金丹寶經一遵元戒傳付許君仍語二君玉皇玄譜仙籍品秩乃令許君以道授吳君二君禮謝將辭歸許君欲每歲來禮謁姆姆止之曰子勿來吾即還帝鄉矣乃取香茅一根南望擲之茅隨風飛去因謂曰子歸於所居之南數十里認茅落處立吾祠歲秋一至足矣語訖忽有雲龍之駕來迎凌空而去今新建豐城二縣之界有黃堂觀乃真君訪丹陽黃堂所立祠每年八月三日朝謁謹姆之所也

劉仙姑

劉仙姑名懿靖安縣人年數百歲貌若童子謹姆嘗稱之真君往見則已飛昇矣遂留寶木華車遺之車因風飄舉三日而下因名其觀曰華車觀碑碣猶在今號樓霞觀

盱母

盱母者真君許遜之姊真君盱烈之母許遜以其孀居乃築室於宅西數十步間俾居之許遜隱西山修煉日夕講究真詮盱母與子

烈日得參其妙焉許遜每出則母代掌其家事仙賓隱客咸獲見之許遜飛昇之日母暨烈母子並受玉皇詔部分仙眷昇天

許氏

許氏者許真君避之女也適建安黃仁覽蓋得真君道妙日究神仙之學任青州從事單騎之官留許氏侍翁姑一夕家僮報許氏院中夜有語笑聲姑訊之許氏曰黃郎爾姑曰吾子從事教千里安得至此許氏曰彼已得仙道能頃刻千里戒在漏語故不敢令姑知姑曰若然當使我見之是夕仁覽歸許氏告以故比明仁覽不得已出謁父母曰仁覽雖從宦遠鄉夜必潛歸膝下仙道秘密不可泄言恐招譴累言訖取竹杖化為青龍乘之而去後許真君輕舉之日許氏同仁覽公姑三十二口白日飛昇仙仗既行許氏欵偈墜落今有許氏墜釵洲

薛練師

女真薛練師不知何許人也晉時世弊京邑不寧有道之士多棲寓山林以避世因居南

嶽尋真臺外示同塵內修至道常騎白豹遊者闍峯黃鳥白猿不離左右後於雲龍峯尸解出仙傳湘中記云晉女真薛練師冲舉之處梁武帝天監五年建觀至後周武穆公主周惠林者生而有異光滿室幼不如常長息獨處慕魏夫人十六緱仙姑之志因居石室感西靈聖母降傳經錄修三素之道潭衡之境士女景慕者數百人世代將亂告諸學者曰我當暫往約百餘年再來後學如市唐玄宗開元初賜額西靈後有女冠李太真曾妙本接踵得道即今常住乃周公主所捨觀廢久馬氏復興宋朝特賜每歲度女冠一人以續焚修

歷世真仙體道通鑒後集卷之二

歷世真仙體道通鑒後集卷之三

浮雲山聖壽萬年宮道士趙進一編修

上元夫人

上元夫人道君弟子也亦太古以來得道仙籍亞於龜臺金母金母所降之處多使侍女與聞遊為賓侶漢孝武好神仙之道禱醮名山以求靈應元封元年辛未七月七夜二鼓後西王母降于漢宮帝迎拜稽首侍立久之王母令帝坐設以天厨言宴祖悉命駕將去帝下席叩頭請留殷勤王母復坐乃命侍女郭密香邀上元夫人同宴於漢宮事載金母宣帝地節四年乙卯咸陽茅盈受黃金九錫之命為東嶽上卿司命真君太元真人是時五帝君授策既畢各昇天而去茅君之師總真王君西靈王母與夫人降于句曲之山金壇之陵華陽天宮以宴茅君焉時茅中君名固小君名衷王母王君授以靈訣亦授錫命紫素之索固為定錄君衷為保命君亦侍真會王君告二君曰夫人乃三天真皇之母上元之高尊統領十方玉女之籍汝可自陳二